



門中武
稀 166
卷 3



續傷寒補天石目錄

卷上

惡風惡寒

發熱

潮寒

寒熱

煩熱

煩躁

不眠

多眠

晝夜偏劇

鬱冒不仁

頭痛

頭眩

續傷寒補天石目錄



頭搖

頭汗

無汗

自汗

盜汗

手足

佛鬱

面色

看目法

察耳法

察鼻法

察唇齒法

口乾

渴

漱水不欲嚥

舌胎

察聲法

譊語

鄭聲

瘖啞

咽痛

氣短

氣逆

喘

咳嗽

嘔吐

乾嘔

噦

噫

呃逆

鼻衄

吐血

項強

瘥病

背惡寒

卷下

心悸

驚惕

心下滿

胸脇滿

結胸痞氣

胸中冷結厥

懊憹

身痛

身痒

身振

戰慄

瞶惕

肉苛

四肢疼四肢沉重不收

挛搐

瘈瘲

厥逆

循衣摸床

發斑症

發黃

發狂

腹滿

腹痛

霍亂

狐惑

蛔厥

臍厥

臍結

除中

動氣

奔豚

小腹滿

蓄血

囊縮

遺尿

小便數

小便自利

小便不利

小便難

不大便

自利

便膿血

百合病

續傷寒補天石目錄終

續傷寒補天石目錄

續傷寒補天石卷上

明吳中戈維城存橘甫著

惡風惡寒第

惡風者見風則怯。密室之中無所惡也。惡寒者雖未嘗見風而亦惡寒。身雖熱亦必欲近衣被。其風寒客于營衛。陰氣上入陽中。則灑淅惡寒也。寒傷營。風傷衛。營衛既傷。不復能營中而衛外矣。豈復能任風寒乎。故傷風惡風傷寒惡寒。理必然也。但惡風悉屬于

陽惡寒則有陰陽之別經曰發熱惡寒發于陽無熱惡寒發于陰此陰陽之別也

發熱第

發熱之症翕然而洪者是表熱也風寒客于皮膚怫鬱于外表熱而裏不熱也蒸蒸然而熱者是裏熱也陽邪入陷于陰中裏熱甚而達表也其在半表半裏者表邪未罷邪氣傳裏裏未作實則表裏俱熱而但輕于純在裏也太陽惡寒發熱陽明微惡寒發熱或

惡熱發熱或自汗潮熱少陽往來寒熱少陰裏寒外熱太陰厥陰皆不發熱也汗下後有熱太汗則損元氣氣損則陽微故脉虛而惡寒大下則傷血血傷則陰弱故脉濇而發熱誤汗誤下皆有此耳且陰以陽為主陽以陰為根下之亡陰矣陰無所主邪氣搏之血虛乃發熱也經曰凡傷于寒則為病熱熱雖甚不死傷寒發熱病之常也若脉陰陽俱虛熱不止者汗後復發熱脉躁疾者下利熱不止者皆死

或無已曰汗後惡寒

者表虛也汗出而不惡寒但惡熱者裏實也經曰傷
 汗出不惡寒者此表解裏未和與調胃承氣湯
 寒雜病發汗有相似者傷寒發熱惡熱而渴陽明經
 病也陽明氣病脈洪大先無形也白虎湯主之雜病
 發熱惡熱而渴但日赤者病藏也手太陰肺不足不
 能管領陽氣也脈洪大甚則嘔血先有形也地黃枸
 杞之類主之若誤用白虎者死 東垣曰氣病在表
 誤用血藥無傷也為安血而益陰也血病在裏誤用
 氣藥白虎者非也為瀉肺而損陽也又有內傷中熱

與陽明症相似內傷熱中與外感症相似者辯在前
 條火鬱發熱自不同煩熱骨蒸須當別手足心
 熱屬熱鬱用火鬱湯治之升葛柴苓防甘草

潮熱第三

潮熱屬陽明明明旺于未申一日一發日晡而作如
 潮水之有信也邪入胃腑為可下之症設或脈浮而
 緊潮熱而利或小便難大便溏者邪未入腑猶帶表
 症先當和解其外如小便利大便硬方可攻之若潮
 熱于寅卯則屬少陽潮于巳午則屬太陽是又不可

續傷寒補元石卷上
不辯

寒熱第四

寒熱往來者陰陽相勝邪正分爭也屬少陽半表半裏症蓋陽不足則陰邪出表而與之爭故陰勝而爲寒陰不足則陽邪入裏而與之爭故陽勝而爲熱邪居表多則多寒邪居裏多則多熱邪在半表半裏則寒熱相半乍往乍來而間作也小柴胡專主往來寒熱寒多加桂熱多加芩是其大槩也若熱結在裏犬

渴而大便實往來寒熱大柴胡湯

煩熱第五

煩熱者熱而煩擾不安也邪熱傳裏不經汗吐下則爲煩熱與發熱似同而异經曰病人發熱汗出則解如未作膈熱但當和解微汗而已若心下滿而痞煩則有吐下之異宜別其症之虛實而爲劑之輕重也先煩而悸者爲實先悸而煩者爲虛虛煩謂以中欲嘔吐鬱悶之狀也凡煩熱不得汗出者發汗則愈發

汗後解半日許脉浮數者可更發汗桂枝湯太陽心
煩白汗小便數者不可與桂枝湯宜芍藥甘草湯芍
炙草酸枚甘緩酸甘相合用補陰血出汗後煩渴脉洪
大人參白虎湯陽明心煩喜嘔壯熱往來心下悸而
又兼小便不利小柴胡加茯苓湯傷寒二三日心中
悸而煩小建中湯桂枝甘草大棗芍藥生姜錫糖衄血而煩渴者飲
水則吐五苓散不愈竹葉石膏湯下後復發汗盡日
煩躁不得眠陽與陰爭也夜安靜陽不能爭也不嘔

不渴無表症脉沉微身無大熱乾姜附子湯主之若
發汗若下之病仍不解而煩躁伏苓四逆湯大汗後
六七日不大便不解腹滿痛者有躁屎也大承氣湯
下後心煩腹滿臥起不安者梔子厚朴枳實湯酸苦
梔子之苦以湧虛煩厚朴傷寒醫以丸藥下之身熱
枳實之苦以泄腹滿之痛不去微煩者梔子乾姜湯梔子之苦以吐煩
乾姜之辛以益氣汗吐下
後虛煩不得眠苦劇者必反覆顛倒心中懊憹梔子
香豉湯梔子香豉吐劑也若夫腎傷寒表裏無熱煩
讀傷寒補天石卷上

續傳異補三卷上
三
曠不欲見光明有時腹痛其脉細四逆湯內傷瑩役
陰虛火動而煩者其人身倦無力自汗尺脉虛浮補
中益氣湯加黃柏知母生地麥冬山梔黃連苦不睡
而心煩者兼服朱砂安神丸歸身生地甘草硃砂黃連蒸餅為丸津咽下
納其浮游之火而安神明也凡傷寒身體熱疼不得
汗故也脉淨者汗之脉弦者和之至于胸中煩心中
煩俱是熱而煩也小柴胡合解毒湯主之甚者吐之
下之

煩躁第一百三

陰氣忽為陽氣勝熱而煩躁太陽經少陰亦有煩躁者此是陽

虛為陰所乘故也

煩為擾亂躁為憤怒是謂先煩而漸至躁也傷寒煩
躁則有陰陽虛實之別心熱則煩陽實陰虛腎熱則
躁陰實陽虛煩則熱輕躁則熱甚也火入于肺煩也火入于腎躁也
或曰煩躁者心為之也夫心者君火也與邪熱相接
上下通熱金以之而躁水以之而虧獨存者火耳故
肺腎與心合為煩躁焉此煩有邪在裏而煩躁者有
雖肺腎其真心火為之也
不煩便作躁悶者此則陰格陽欲于泥水中臥飲水

不得入口也。四逆湯治之。其或結胸症而煩躁吐利。四逆而煩躁下利發熱厥逆。煩躁惡寒倦臥脉不出而躁者。皆為不可治矣。傷寒當汗不汗則人煩躁。太陽中風不得汗煩躁邪在表也。大青龍湯沖和湯太陽不得汗醫以火劫而煩躁者。小柴胡加牡蠣湯發汗已脉浮數煩渴者。五苓散無熱狂言煩躁者。五苓散水調探吐陽明不大便煩躁承氣湯下之。少陽吐利厥逆煩躁欲死者。吳茱萸黃湯。吳茱萸人參姜棗厥逆脉沉

自利煩躁不得眠。黃連阿膠湯。連芩芍膠雜病血虛

煩躁當歸補血湯。當歸川芎地黃黃柏知母痰火煩

躁溫胆湯。竹茹芩半术甘陳

不眠第

不眠者。陽盛陰虛則晝夜不得眠。蓋夜以陰為主。陰氣盛則目閉而臥安。若為陽所勝。故煩擾而不得寧。所謂陰虛則夜爭也。至于少陰病熱煩于內而不得眠。又宜黃連阿膠湯以扶陰散熱。若瘥後不得眠者。

熱氣與諸陽相并陰氣未復也梔子烏梅湯梔子黃芩柴胡

甘草姜竹葉豆豉烏梅有汗下太過陽氣暴虛而不得眠者若

無熱症脉沉微不嘔不渴晝不安夜寧靜又宜姜附

湯姜附甘草以退陰復陽也此又不可不知分晝夜

後晝夜不得眠裏熱也故宜梔子豆豉湯汗汗出鼻

乾不得臥者邪在表也解肌湯石羔麻黃甘草升若胃有踈

屎大熱錯語及大汗胃中乾不得眠者邪在裏也用

大承氣湯胃不和則臥不安故宜徹熱和胃已若汗

下後虛煩不得眠者吐下後心中懊憹不眠者梔子

豆豉湯汗後虛煩不得眠當溫胆湯陽協陰狂言不

眠亂夢心煩氣乏者酸棗仁湯棗仁人參桂心石羔

陰協陽驚悸昏沉大熱乾嘔錯語呻吟不眠者犀角

地黃湯溫胆湯少陰下利咳而嘔渴心煩不得眠停

水也猪苓湯猪澤石少陰二三日心煩不得眠者熱

煩于內也黃連阿膠湯病人小便不利大便乍難乍

易時有微熱喘冒不能臥者有燉屎也大承氣湯中

風汗出脉濡而弱厥而且寒踈不得眠小建中湯煩

踈竹葉石膏湯瘧後飲酒煩惡乾嘔口噤呻吟錯語

不得眠者犀角解毒湯犀角大青玄參甘草升麻黃芩黃連黃柏梔子仁

多眠第多眠四症先看脉若是風温情默默太陽外症欲解時更有少

陰與狐惑

衛氣者晝則行陽夜則行陰行陽則寤行陰則寐陽氣虛陰氣盛則日瞑故多眠乃邪傳于陰而不在陽也昏昏閉目者陰司闔也默默不言者陰主靜也太

陽病十餘日脉細嗜臥者外已解神將復也設胸滿

脇痛鼻乾多眠者蓋風熱內攻不干乎表故熱氣伏

于裏則喜睡也不得汗者小柴胡湯脉浮者冲和湯

冬月用麻黃湯少陰病但欲寐脉沉細者四逆湯少

陰病欲吐不吐欲嘔不嘔心煩多寐五六日自利而

渴小便白者四逆湯若復煩渴不得臥者不治三陽

合病欲眠日合則汗讖語者則有熱也小柴胡湯其

胃熱者亦嗜臥也犀角解毒湯風温狐惑亦有此症

續傷寒補元在卷上
間在後條。凡汗後身涼脉靜而好睡病將愈也。

晝夜偏劇第

晝靜夜劇者熱在血分四物湯加芩連山梔丹皮柴胡黃柏知母主之。熱在氣分者則夜靜晝劇小柴胡加黃連山梔地骨知母主之。

鬱冒不仁第

仁者柔也不仁不柔和也。

鬱冒者昏沉迷悶如物之蒙冒其首也不仁者頑痺麻木痛癢不知針火不知猶如死屍也。節庵曰諸

虛乘寒爲鬱冒不仁血氣虛弱不能周流于一身于是正氣爲邪氣所伏故肢體頑麻不仁厥如死屍桂麻各半湯不愈補中益氣湯入姜汁設或身軀如油作汗不休喘而直視水漿不人者此爲命絕也經曰少陰脉不至腎氣微少精血奔氣上入胸膈宗氣反聚血結心下湯氣退下熱歸陰股與陰相動令身不仁此爲尸厥當刺期門巨闕以鬱冒不仁爲可刺之而得痊者實神醫之眡也甘草乾姜湯桂枝芍藥湯

加乾姜桂麻各半湯消息選用之。太陽下早不愈仍復發汗，以致表裏俱虛，其人致言，言家汗自出而愈，乃表和也。若不得汗而不得解，用人參三白湯加芎歸天麻，下虛脉微足冷，加熟附温，經固本少陰下利止而頭眩，時時鬱言者死。婦人新產鬱言血虛也。四物湯主之。若惡寒露上衝鬱言，血暈昏迷也。四物加紅花桃仁姜桂主之。凡頭目眩暈非鬱言也。眩暈輕鬱言重也。

頭痛第

頭痛者邪氣攻于上也。三陽經俱有頭痛而太陽尤為專主。三陰無頭痛者。三陰經至頸胸而還也。厥陰有頭痛者厥陰經上連目系頂顛也。太陽頂顛腦後痛。陽明頭額痛。少陽頭角痛。太陽頭痛無汗麻黃湯。有汗桂枝湯。三時冲和湯。陽明頭痛目痛鼻乾不眠解肌湯。加川芎白芷升麻葱白。若煩渴自汗白虎湯。若六七日不大便胃實氣攻于上。頭痛者少與調胃

承氣湯少陽頭痛小柴胡湯厥陰頭痛乾嘔吐涎沫

吳茱萸湯某黃人參姜棗濕家病頭痛鼻塞瓜蒂末納鼻中

黃水出立愈痰涎頭痛胸滿寒熱脈緊瓜蒂散吐之

愈若兩感頭痛與夫真頭痛痛連于腦手足俱寒而

青者必死不治氣虛痰逆頭痛右脈洪滑血虛火逆頭痛左脈弦數氣厥頭痛脈沉細而遲厥逆頭

頭痛脈時伏時見寒濕頭痛脈時沉細而遲厥逆頭

痛所犯風寒內至骨髓七之源在腦又謂之腦風頭

痛雜症亦有頭痛如血虛頭痛四物加川芎蔓荆氣

虛頭痛四君子湯加川芎藁本氣血兩虛八物加藁

本蔓荆脈大無力補中益氣加蔓荆細辛偏風頭痛

羌活湯加天麻荆芥溫痰頭痛二陳加蒼朮川芎白

芷細辛痰火頭痛二陳加苓連山梔川芎蔓荆竹瀝

姜汁陰火上衝頭痛四物加黃柏知母蔓荆荆芥苓

連山梔食積頭痛平胃散加川芎各湯中俱要加桔

梗開提諸藥上行不可缺也歌曰頭痛先須辨厥真

血少兼寒濕緩者尤當審六經更有眉眶頻作痛風痰風熱客于積東垣曰東風生

于春病在肝俞在頸項故春氣者病在頭又諸陽會

于頭面如足太陽膀胱經起于目內眦上額交顛上入絡腦還出別下項病衝頭痛足少陽胆經起于目銳眦上抵頭角病則頭角額痛夫風從上受之風寒傷上邪從外入客于經絡令人振寒頭痛身重惡寒治在風池風府調其陰陽不足則補有餘則瀉汗之則愈此太陽頭痛也頭痛耳鳴九竅不利者腸胃之所生乃氣虛頭痛也心煩頭痛者病在耳中過在手巨陽少陰乃濕熱頭痛也如氣上不下頭痛顛疾者

下虛上實也過在足少陰巨陽甚則入腎寒濕頭痛也如頭半寒痛者先取手少陽陽明後取足少陽陽明此偏頭痛也在右屬痰與熱脈洪實在左屬風與熱脈弦數有真頭痛者甚則腦盡痛手足寒至節死不治有厥逆頭痛者其所犯大寒則內至骨髓髓者頭腦為主腦逆故令頭痛齒亦痛

凡頭痛皆以風藥治之者摠其大槩而言也高巔之上惟風可到故味之薄者陰中之陽乃自地升于天

者也。然亦有二陰三陽之異。故太陽頭痛惡風脈浮
 緊川芎羌活獨活麻黃之類為之。陽明頭痛自汗發
 熱惡寒脈浮緩長實者升麻葛根石膏白芷為主。少
 陽頭痛脈弦細往來寒熱柴胡為主。太陰頭痛必有
 痰體重或腹痛為痰癖其脈沉緩蒼朮半夏南星為
 主。少陰頭痛三陽三陰經不流行而足寒氣逆為寒
 厥其脈沉細麻黃附子細辛為主。厥陰頭項痛或吐
 痰沫厥冷其脈浮緩吳茱萸湯主之。血虛頭痛當歸

川芎為主。氣虛頭痛人參黃芪為主。氣血俱虛頭痛
 調中益氣湯。少加川芎蔓荊細辛其效如神。白朮半
 夏天麻湯治痰厥頭痛也。白朮半夏天麻人參黃芪
 蒼朮白茯苓神曲橘皮乾
 姜澤瀉黃柏麥蘗麴清空膏治風濕熱頭痛也。芎柴苓連
 羌活
 附子湯治厥陰頭痛也。羌活黑附子麻黃蒼朮甘草
 黃芪防風白芷佛耳草黃柏
 升麻如濕氣在頭者以苦吐之不可執右而治。

頭眩第

頭眩少陽半表裏間表邪傳裏表中陽虛故頭眩又

有汗下後而眩冒者亦陽虛所致少陰下利止而頭
眩時時自冒者死下利止則水穀竭太陽病若下之
因復發汗以此表裏俱虛其人必冒冒家汗自出而
愈陽明病頭眩不惡寒能食而咳伏苓白朮甘草生
姜湯少陽症口若咽乾目眩小柴胡湯太陽發汗後
汗出不解心下悸頭眩身瞤筋惕振振欲擗地者不
可汗也真武湯汗吐下後虛而脈沉數心下痞脇下
動氣腹痛氣衝咽喉不得息身振搖筋肉惕久則成

痿伏苓白朮桂枝甘草湯苓朮生精益湯風家亦有
眩者風主動故也或諸逆發汗劇者言亂目眩而死
也諸湯中俱加川芎天麻不可缺也

頭搖第

頭搖者頭為諸陽之會陽脈有垂則頭為之搖動然
有心絕而搖頭者有風盛而搖頭者夫陰根于陽陽
根于陰陰陽互根氣血所以周流而無間若心絕則
為神去而陰絕陽獨無根不能自主是以頭搖經所

續傷寒補子石卷上
謂陽獨留形骸如烟薰直視搖頭者此也至于太陽發瘥則風盛于上風主乎動是以頭搖經所謂獨搖頭卒口噤背反張者此也搖頭中有痛也言則甚痛又分裏痛言者爲虛不言者爲實

頭汗第

頭汗者邪博諸陽之首則汗見于頭劑頸而還也若通身汗出謂之熱越今日不得越而陽氣上騰津液上奏故汗出于頭夫裏虛不可下內涸不可汗既頭

有汗不可再汗也其或實熱在內小便利而大便黑爲蓄血頭汗出者輕則犀角地黃湯重則桃仁承氣湯熱入血室有半表裏症頭汗出者小柴胡湯發黃頭汗出者小便難渴欲飲水漿者濕也輕則首陳五苓散重則首陳大黃湯水結胸心下怔忡滿而微熱頭汗出小半夏伏苓湯與其悞下濕家額上汗出微喘小便利者死不止者亦死蓋小便利不利問格而頭汗固爲陽脫小便利亦爲陽脫皆不療也讖語頭汗

為血熱屬陽明承氣湯心下懊憹梔子豆豉湯吐之

半表半裏小柴胡湯

無汗第

傷寒踈盛身無汗或用麻黃汗不行此是諸陽之脉極百中無一可全生若還先汗渾身痒脉更浮建本屬虛自是無陽難作汗建中木附載方書

無汗者寒邪中經腠理固密津液內滲而無汗也風

濕暑于之皆令有汗惟有寒邪不汗出蓋太陽無汗

者冬月麻黃湯春秋冲和湯芎蘇散夏月神木湯蒼

防風同頂背強几几無汗者葛根湯陽明無汗脉浮

而喘者麻黃湯血虛脉弱難作汗者黃芪建中湯加

木附湯剛痊無汗治在本條當汗之症服麻黃二三

劑汗不出者此為難治熱病熱甚脉踈急不得汗出

者死温病不得汗出必發狂有汗者生無汗者死陰

症與陰陽毒者皆無汗陰毒症額上雖有汗出其汗自冷用人參四逆湯

自汗第

明柔症亦同科

自汗者衛為邪干不得固密腠理疎而汗出有表裏

虛實之分若惡風寒為自汗出者太陽表未解也冬
月桂枝湯三時加減沖和湯若汗後惡風寒為表虛
汗不止黃芪建中湯與夫太陽發漏不止為少陽木
附湯若自汗出惡熱不惡寒則為表症罷而裏症與
也承氣湯下之若小便不利汗出者津液少也急下
之若小便自利而汗津液少不可攻宜密煎導陽明
熱甚而渴汁多者胃汁乾也急下之大汗煩渴不解
者人參白虎湯膀胱氣絕汗出不至足者死絕汗出

如珠不流者死凡汗不止者先將髮按于水中足露
于外後用炒麩皮糯米粉龍骨牡蠣煨為末周身撲
之其汗自止免致亡陽而死傷風汗出腠理自開傷
寒汗後腠理不開並宜桂枝解肌凡傷風惡風自汗
傷濕身重自汗中暑脈虛自汗中暈煩渴自汗濕溫
妄言多汗風溫鼻齁自汗霍亂吐利自汗柔痊搖擗
自汗陽明潮熱自汗陰虛勞力身倦自汗亡陽則漏
不止自汗大要風暑濕干之皆令有汗惟寒邪獨不

汗出是以三陰症與陰陽毒及剛瘧俱不汗出也陰症卽有汗出或額上手背汗出其汗自冷與已上諸症汗出不同若冷汗如冰四肢厥冷脉脫者死又柔汗發黃環口黎黑者死 柔汗冷汗也

盜汗第

盜汗者睡著則汗出覺則便不出矣雜病責于陰虛傷寒責在半表半裏故知胆有熱也小柴胡湯柴胡桂枝湯雜病陰虛當歸六黃湯 歸連生熟地 辰砂白 芩拍木桂芪

芷散 味為調服 凡汗脉浮或濡或濇 自汗在寸 盜汗在尺

手足第一百十五

手足乃諸陽之本熱聚于胃腑則津液旁達于四肢蘊熱則尿讖語手足汗出者大承氣湯下之挾寒則水穀不分手足汗出者理中湯温之是有承氣理中之不同也陰毒手足額上冷汗出者四逆湯温之 汗搃歌表虛血弱汗成流濕症淋漓不肯休痰症 津津常談背亡陽氣脫汗如油陰虛盜汗因無血 熟睡沾衾竟汗收心汗皆緣 思慮得團團一片在心頭

佛鬱第

佛鬱者陽氣蒸鬱形于頭面體膚之間聚而不散也
 其症有分別如大便硬而短氣燥渴者寔也大柴胡
 湯汗不後有此症飲水而噦者胃虛也桂枝人參湯
 加伏苓桂枝甘木參乾姜初得病發汗不徹併于陽明續自
 微汗出面色赤者陽氣佛鬱也解肌湯麻黃葛根芍甘草或
 汗出不徹脈浮緊者麻黃湯或小便不利時有微熱
 大便乍難乍易佛鬱不得臥此有燥屎結聚也承氣

湯下之陰症虛火泛上亦有面赤而佛鬱者但赤而
 不光潤耳要在明辯治之

面色第一百十七

凡五臟六經各有其色見于其面以應五行大要相
 生者吉相尅者凶滋潤者吉枯燥者凶青色屬木主
 風主痛足厥陰肝色也脾病見之為木克土難治經
 曰青如翠羽者吉青如滋草者死赤色屬火主熱手
 少陰心色也肺病見之為火尅金難治經曰赤如雞

冠者吉赤如衄血者死又曰心熱額先赤肺熱鼻先赤肝熱左頰赤脾熱右頰赤腎熱兩頤赤黃色屬土主濕腎病見之爲土剋水難治經曰黃如蟹腹者生黃如枳實者死凡色黃月有胃氣不死經曰面黃目青面黃目赤面黃目白面黃目黑皆不死也白色屬金主氣血不足手太陰肺色也肝病見之爲金剋木難治經曰白如豬膏者生白如枯骨者死黑色屬水主寒主痛足少陰腎色也心病見之爲水剋火難治

經曰黑如烏羽者生黑如炭煤者死又黑氣自魚尾入太陽者死黑氣自人中入口者死黑氣入耳目口鼻枯燥者死

看目法第一百十八

凡治傷寒先觀兩目若目赤唇焦舌黑屬陽毒目赤頭搖口噤屬痙病目黃小水短濇發渴惡熱屬濕熱發黃目黃小水利大便黑小腹滿硬而痛屬蓄血發黃如衄血目瞑白睛黃者必發黃如無熱不渴脉沉

細而黃者屬陰黃如兩皆黃者病欲愈也開目見人
屬陽閉目不見人屬陰睛目能識見者可治睛昏不
識人或目上視或眼小目瞪直視或目邪視或目睛
正圓或戴眼反折或眼胞陷下皆死症也若目睛微
定暫時轉動者痰眼也吐痰出眼珠自然流動光明
也若目中不明視物不了了者邪熱結實于內上蒸
于目也但六便得通目自明活也

察耳法第一百十九

傷寒耳聾屬少陽宜和解久病耳聾屬氣虛元氣復
實耳自聰也傷寒耳聾為常例但舌卷唇青囊縮耳
聾者為難治耳黑枯燥曰腎敗蓋腎開竅于耳也少
陽之脈絡耳中凡耳聾耳痛耳腫皆屬少陽風熱

察鼻法第

凡病人鼻色青者木尅土也主腹中痛若冷者死微
黑者有水氣土不能制黃者小便難土制白者屬氣
虛赤者屬肺熱鮮明有留飲鼻孔乾燥必衄血鼻燥

如烟煤者屬陽毒鼻孔冷滑而黑屬陰毒鼻息如鼾
睡屬風溫鼻塞濁涕屬風熱鼻流清涕屬肺寒鼻孔
癢濇屬肺熱有風乃肺絕而不治鼻衄者分點滴成
流而治也

察唇齒法第

凡病人唇齒焦乾爲脾熱焦而紅者吉焦而黑者凶
唇口腫赤者是熱極唇口青黑者是寒極口苦者是
胆熱口甜者是脾熱口燥咽乾者是腎熱口燥舌乾

者是心熱口噤咬牙者是風痙唇口生瘡聲啞者是
狐惑齒燦無津液者是陽明熱極前板齒燦脈虛者
是中暑唇口舌胎斷紋者難治若唇青舌卷唇吻反
舌環口黎黑口張直氣口如魚口唇口顫搖不止氣
出不反者皆死症也

口乾第

口乾者邪熱聚胃消耗精液故也在正陽明胃腑病
爲胃汗乾在少陰傳經標病爲腎汗乾二者俱當下

之無疑矣若陽本病身熱背惡寒口乾者人參白虎湯少陽口乾者小柴胡去半夏加花粉葛根湯衄血口乾者黃芩芍藥湯犀角地黄湯蓄血口乾桃仁承氣湯

渴第

渴者裏有熱也津液為熱所耗也太陽發熱表不解心下有水氣脉浮而渴者小青龍去半夏加瓜蒌根太陽邪熱傳本小便不利脉浮數而渴者五苓散陽

明汗多煩渴者人參白虎湯便實者承氣湯少陽心煩喜嘔而渴或胸滿脇痛而渴或日晡潮熱而渴或往來寒熱而渴並用小柴胡去半夏加黃連花粉若下利咳嘔等症隨症治之少陰舌乾口燥而渴或便實或自利並用承氣湯厥陰消渴亦用承氣湯若陰症發渴渴不能飲者四逆湯凡太陽無汗而渴忌白虎宜小柴胡湯陽明多汗而渴戒五苓宜竹葉石膏湯先嘔後渴此為欲解當與水解先渴後嘔此為水

停心下赤伏苓湯

苓陳參木
芎半夏

凡脈浮而渴屬太陽脈

沉而渴屬少陰有汗而渴屬陽明要在明辯之凡渴欲飲水者因內水枯竭故欲得外以自救若不與飲則水竭無由作汗必加喘渴踈亂而死若與飲太多則水停心下變為水結胸下利喘嗽等症矣只宜少與以和其胃氣氣和則汗出而解也凡病人飲水須令人捺其心胸脇下使水氣行散毋致停蓄變生他病厥陰消渴謂飲水多而小便少乃熱能消水也雜

病消渴分上中下治之

東垣曰高消者舌上赤裂

大渴引飲調逆論所謂心移熱于肺傳為膈消者是也白虎人參湯治之中消者善食而瘦自汗大便硬小便數叔和所謂口乾飲水多食肌虛痺成消中者是也調胃承氣湯三黃丸治之下消者煩踈引飲耳輪焦乾小便如膏叔和所謂焦煩水易虧此腎消也六味地黃丸治之摠錄所謂未傳能食者必發腦疽背瘡不能食者必傳中滿鼓脹皆不治之症潔古老

人分而治之能食而渴者人參白虎湯不能食而渴者錢氏白朮散

白朮伏苓人參甘草木香藿香葛根滑石

脈實病久可治

脈弦小病久不可治

嗽水不欲嚥第

陽明病嗽水不欲嚥者必作衄犀角地黃湯蓄血病嗽水不欲嚥者必發狂桃仁承氣湯少陰裏寒嗽水不欲嚥者四逆湯陰寒不利嗽水不欲嚥者白通湯加豬胆汁入人尿厥陰煩躁吐虺口燥舌乾但欲涼

水浸舌并口唇時不可離不欲咽下埋中湯加烏梅花椒主之次抵陰症發躁煩渴不能飲水或欲勉強嚥下良久仍復吐出或飲水而嘔噦皆內寒也四逆湯溫之蓋無根失守之火遊于咽嗑之間假作燥渴則不能飲水也若飲水而不吐者熱也

舌胎第

舌乃心之苗色應南方火邪在表則未生胎邪入裏津液結搏則舌上生胎而滑熱氣漸深其胎燥而澀

續修醫方類聚卷之二十一
熱聚于胃其胎爲之黃矣宜承氣湯下之或小柴胡
去半夏加花粉知母黃連若舌上黑色胎者則熱已
深病勢已篤經所謂熱病口中乾舌黑者死也然夏
日黑胎不在必死之例蓋時火邪火內外炎燒故易
生胎刺而黑若冬月黑胎實難治也凡黑胎刮不去
易生者或芒刺及燥例者難治或舌硬舌強舌腫舌
短舌卷者俱難治凡見舌胎白而滑者邪在半表半
裏小柴胡去半夏加花粉知母葛根若胎黃而澁者

邪傳裏漸深也小柴胡去半夏加花粉知母黃連燥
渴引飲表裏俱熱者人參白虎湯內實不大便者調
胃承氣湯若胎黑而燥渴譫妄大便不通者此火熱
亢極反見水化也大承氣湯若胎黑而滑無熱不渴
者此王癸腎水來尅心火也四逆湯凡陽熱之胎必
躁而澁或腫或赤或黃或黑或芒刺或白滑脈必沉
數有力陰寒之胎必冷而滑不渴不熱不躁不澁脈
必沉細無力凡舌見白胎而滑者表未解也葛根湯

尖白根黃者表未解也解表然後可攻大便秘涼膈

散連翹山梔大黃黃芩薄荷甘草竹葉硝小便澀五苓散合益元湯舌

見尖白心黑脉沉微數者難治浮滑者可汗沉實者

可下初病見此症者危惡急進調胃承氣湯下之舌

見根黑尖黃微隱隱不見如黑灰色脉實下之大承

氣湯脉浮滑者涼膈散生有一二死有八九舌見弦

紅心黑傷風表未解也双解毒散加解毒湯防風川芎當歸

芍藥大黃麻黃連翹黃芩桔梗滑石甘草別芥梔子朴硝石羔白木姜微汗之表症罷

下之如結胸煩踈目直視者不治一云急下之四邊

微紅中成黑灰色行路者此由失下四五下之方退

舌見白胎中見黑小點亂生當有表症其病之來雖

惡涼膈散微表之退即用調胃承氣湯下之舌見黃

而有小黑點者熱必深也邪傳六腑將入五臟急服

調胃承氣湯亦為十存四五舌見黃而中有黑至尖

者熱毒邪氣已深兩感者下之十有九死有下利者

下之可治舌見兩弦灰色中有暈根二條此熱乘入

腎命門急當下之若遲難救舌見灰色無惡寒惡風
脈雖浮亦可下之下之見黑灰者不可治也舌見大
黑而有亂紋者脈滑實急下之九死一生脈浮數無
力不治舌見白胎滑者必往來寒熱舌見白胎帶黃
色者必泄舌見四圍白而中有黃者必作煩渴嘔吐
之症舌見黃而中有黑點亂生者其症必渴譫語脈
滑者生脈濇者死下之見黑尿者死舌見有紅星者
將發黃也舌見有黑圈者過經未解也火裂舌心火

熱極也涼膈散加黃連虫碎舌裏熱之甚也小承氣
下之凡舌青而紫者爲陰寒赤而紫者爲陽毒黑而
滑者爲陰寒黑而燥者爲陰毒大要鮮紅滋潤者吉
紫黑乾燥凶 治胎須用薄荷水浸青布于舌上洗
淨或用生姜薄片蘸水時時刮之其胎自退矣傷寒
如舌吐出寸餘不收用梅花冰片研末摻上卽收病
重者用冰片五錢

察聲法第一百二十六

凡病人出言壯厲者外感有餘也出言懶怯者內傷不足也讖語狂言者邪氣盛則實也鄭聲者精氣奪則虛也鼻塞身重者傷風也聲嘶者肺有風熱也聲啞者肺傷風熱也卒然無音者寒氣客會厭也咽不得息者胸中有寒也唇口生瘡聲啞者狐惑也咽中生瘡聲啞者少陰也口噤咬牙者風痙也鼻息如鼾睡者風溫也喉中漉上有聲者痰飲停上焦也要在審其聲而隨症治之若見卒中風涎痰湧盛口噤

不言或脈絕直視遺尿者難治聲如鼾睡者難治

讖語第一百二十七

經曰邪氣盛則實精氣奪則虛實則讖語虛則鄭聲胃中實熱上乘于心二為熱昏則神識昏迷妄有所見而言也輕則睡中呢喃重則不睡亦語有讖語者有獨語者有言語不休者有言亂者此數者見其熱之輕重也大抵熱入于胃水涸尿燥必發讖語為實也有火劫取汗而讖語者有亡陽讖語者有下利清

穀不竭譫語者此爲虛也或脈來沉實洪數有力因見夫大便不通小水赤燥渴譫語狂妄腹中脹滿鞭痛或潮熱自汗或下利純清水心腹鞭痛者皆裏症邪熱燥屎也俱大承氣湯下之下後利不止與夫喘滿氣逆而上奔自利氣脫而下奪皆爲逆也彼脈洪數而見小便赤手足溫與調胃承氣湯三陽合病脈實身重難轉口中不仁面垢遺尿白虎湯或大便結大熱乾嘔錯語呻吟不眠犀角解毒湯初得病無執

狂言妄躁不安神采不與人相當五苓散二錢以新汲水探吐狂言噉水不欲嚥大便黑小水自利身黃脹滿此因當下失下當汗不汗是瘀血譫語桃仁承氣湯下盡黑物則愈婦人經水適來適斷續得寒熱此爲熱入血室小柴胡湯陽明喜妄如狂亦瘀血也照前桃仁承氣下盡黑物則愈矣各各不同但脈短者死脈和者愈又發汗多亡陽譫語身自和不可下柴胡桂枝湯和其營衛營衛和津液生而自愈也下

續傷寒論卷上

後胸滿煩驚小便不利讖語一身盡重不可轉側柴

胡加龍骨牡蠣湯半夏柴胡牡蠣人參龍骨火劫取

汗讖語桂枝湯去芍藥加蜀漆龍骨牡蠣救逆湯若

下利直視讖語者死也又陽症讖妄脉沉細手足逆

冷者不過一日死矣 有獨語者獨自語而如見鬼

也甚則捻衣摸床微喘直視若脉弦小便利者生脉

濇小便不利者則死可下者下之未可下者小柴胡

合白虎湯 有錯語者意錯而言亂也自知言錯邪

氣尚輕自不知覺邪熱甚而正氣衰也解毒湯白虎

湯小柴胡大柴胡隨症施治 有狂言者邪熱亢甚

發狂叶喊而言也或弃衣而走登高而歌此陽明內

實也大承氣湯

鄭聲第

鄭聲如鄭衛之聲謂不正也蓋汗下後病人元氣虛

脫氣不接續而喉中鄭重也如氣息不促手足頗溫

脉沉細者急以白虎湯合生脉散助其元氣或濃煎

續傷寒論卷上

獨參湯徐飲之亦良法也脉微細手足冷大小便自
利用白通陽葱白之卒以通陽氣姜附之辛以散陰
寒也乾姜附子葱白木

瘖啞不言第

少陰咽中生瘡不能言語者雞子苦酒湯雞子一枚去黃內苦酒半夏于殼中安火上令三沸去滓少少含嚥之蓋半夏之辛能發聲音雞子之甘能緩咽痛苦酒之酸能歛咽痛故也狐惑上唇有瘡聲啞者瘖病口噤不能言者俱治在本條熱病瘖啞不言三四日不得汗者死熱

甚火傷肺金不能言者清肺降火則愈風熱擁盛咳
嗽聲啞者清風熱降痰火則愈又有失于發散風邪
伏于肺中者當以發散為主也

咽痛第

咽喉不利而痛或成瘡不能語言不納穀食皆邪熱
毒氣上衝少陰而痛也少陰之脉循喉嚨挾舌本脉
浮遲厥冷吐利並不可汗下少陰二三日咽痛者甘
草湯不瘥者桔梗湯桔梗辛温以散寒甘草甘平以除熱甘桔相合以調寒熱少

經傳要略卷之五

陰下利咽痛胸滿心煩者猪膚湯

猪水畜也其氣先入腎少陰客熱是

以猪膚解之加白蜜以潤燥除煩白粉以益氣斷利

少陰咽中生瘡不能言語

聲不出者苦酒湯噤含之

雞子一枚治法在前

少陰咽痛半夏

散及湯

半夏桂枝之辛以散經寒甘草之甘以緩正氣

少陰下利清穀裏寒

外熱手足厥逆脉微欲絕面赤咽痛者通脉四逆湯

乾姜附子

腎傷寒一症乃非時暴寒伏于少陰之經

頭痛腰痛脉微弱後必下利咽痛半夏桂枝湯

半夏桂枝

草甘下利四逆湯蓋甘草主少陰客熱咽痛桔梗湯

主少陰寒熱相搏咽痛半夏散及湯主少陰客寒咽

痛也咽痛有寒有熱不可槩作風熱治也如陽毒咽

喉腫痛熱極也陰毒咽喉下利寒極也並治在本條

咽喉閉塞烏羽湯

烏羽猪脂煎去滓薄綿裹內喉中稍吐噤之烏羽即射干苗如無用

射干項

亦可口瘡赤爛蜜浸黃柏噉咽痛甚者升麻六物

湯

大青升麻梔子杏仁黃芩葱下後寸脉沉遲尺脉不至手足厥

逆而泄利不止咽喉不利吐膿血為難治麻黃升麻

湯

麻黃升麻當歸知母黃芩萎蕤石羔白木乾姜芍藥天門冬桂枝甘草茯苓

續傷寒論卷之五

三

氣短第

短氣者呼吸不相接續也陽明心腹脹滿喘而短氣潮熱者邪在裏而為實宜下之大柴胡小承氣心腹濡滿而短氣者邪在表而為虛也宜解之桂枝湯食少飲多水停心下短氣者小半夏湯半夏赤茯苓風濕相搏汗出短氣小便不利惡風不欲去衣邪氣在表甘草附子湯甘草附子白朮桂枝太陽誤下短氣懊憹煩燥為結胸者大陷胸湯大黃甘遂芒硝身涼乾嘔短氣汗出不惡寒

此表解裏有水十棗湯芫花甘遂大戟大棗十枚煎湯調服一錢口鼻之

氣難以布息而短氣者人參四逆湯汗吐下後元氣

虛弱而短氣者人參養榮湯人參芪苓芍歸熟地白朮遠志陳五味

氣逆第

氣逆者氣自腹中時逆上衝也因太陽病下之表邪乘虛傳裏裏不受邪則氣逆上行而邪在表也當汗之桂枝湯不上衝者勿與之厥陰客熱上衝此熱在裏而氣上也大柴胡湯病後虛羸少氣氣逆上衝欲

吐者竹葉石羔湯人麥甘草與門冬石羔知半夏竹苓同有動氣因發汗

而氣李根湯半夏茯苓當李根白皮甘苓姜二者皆正氣虛而

邪氣逆也如桂枝症頭不疼項不强寸脉浮微胸中

痞鞭上衝咽喉不得息此為胸中有寒瓜蒂散吐之

脉微者不可吐吐則愈甚頭眩脉沉緊不可汗一則

喘第

多潮熱下何妨汗後水停微發喘青龍加杏去麻黃二陽合病胸中滿只用麻黃按古方

脉浮無汗更加喘宜與麻黃屬太陽若不惡寒知在胃汗

傷寒發喘有邪在表者有邪在裏者有水氣者邪在

表者心腹濡而不堅外症無汗法當汗之在裏者心

腹脹滿外症有汗法當下之其水氣者心下怔忡是

以有青龍之症故曰喘而汗出宜利之無汗而喘宜

發之雖然喘特滿之常也其或直視譫語汗出髮潤

身汗如油喘而不休皆不可治太陽病無汗而喘麻

黃湯麻黃桂枝杏仁甘草太陰病風甚擁而喘桂枝加厚朴杏

仁湯陽明病汗出不惡寒潮熱短氣腹滿而喘大承

氣湯病人小便不利大便乍難乍易時有微熱喘言

不能臥者有燔屎也大承氣湯枳實芒硝太陽七明

合病喘而胸滿者不可下麻黃湯一云芎根黃連黃

芩湯太陽病汗下後微喘者桂枝加厚朴杏仁湯喘

為邪傳裏微喘為邪在表故用桂枝以解表厚朴杏仁以降氣汗出而喘無大熱者

麻黃杏仁甘草石膏湯太陽病下利不止脈促者表

未解也喘而汗出者葛根黃連黃芩湯汗出而喘邪

喘而汗出裏熱氣逆所致故用葛根甘草氣外甚所致心下水氣

咳而微喘小青龍去麻黃加杏仁小腹痛去麻黃加

伏苓陰病喘促者反陰丹硫黃五兩玄精石硝石各

桂心各五錢右用鐵銚先鋪玄精石二兩另研附子炮乾姜炮

未一半申間下硫黃以餘硝未蓋上次以玄精未蓋

上用小盞合着以炭三升燒令得所令烟出多急取

瓦盆合地上四面以灰蓋勿令烟出候冷細研後三

味為末同研細軟飲和丸桐子大每服二十九艾湯

下汗出為度喘促吐逆入口便住再炙臍下一寸反

臍兩邊各一寸仍虛人脈伏喘促五味子湯五味人

與當歸四逆湯活人書云脈伏厥冷喘促此陰陽相背非吉兆也

姑以五味子和之取其酸收甘緩之意凡受病為

不足病氣為有餘盛則為喘者非肺氣盛也肺中邪
 火盛也故瀉白散非瀉肺也瀉肺中之火也如瀉心
 湯半夏黃芩乾姜參非瀉心也瀉心之痞滿也雜病
黃連甘草加伏陳
 喘急有因于痰者有因于火者有陰虛自少腹下火
 起而上逆者有氣虛而致氣短者戴元禮云痰者凡
 喘便有痰聲火者乍進乍退得食則減食已則喘大
 槩胃中有實火膈上有稠痰得食墜下稠痰喘即止
 稍久食已入胃反助其火痰再升上喘反大作俗不

知此作胃虛治以燥熱之藥是以火濟火也氣短喘
 急者呼吸急促而無痰聲又有胃虛喘者擡肩擡項
 喘而不休治法痰者降痰化氣為主火者降火清肺
 為主陰虛補陰降火四物加枳殼半夏氣虛參芪麥
 冬地骨炙甘草之類 凡久病氣虛而喘宜阿膠人
 參五味以補之新病氣實而喘宜桑皮苦瀝以瀉之
 氣喘無痰呼吸粗擡肩擡項胃家虛炎上喘時憑食
 減痰喘喉中聲韻呼喘而脈滑手足溫用藥無碍可
 得生喘而沉瀼寒四凡喘用椒目為細末姜湯調下
 肢若得瀼脈死無疑

一二錢止之然後因痰治痰因火治火若氣虛者不用
凡喘則必發脹七則必喘二者相因皆小便不利但先喘後脹者主于肺蓋肺金失令不能通調水道下輸膀胱故也法當清金降氣為主而行水次之
先脹後喘者主于脾蓋脾土受傷不能制水水濕妄行故也法當實脾為主而清金次之

咳嗽第

往來寒熱胸中滿此症會知嗽在陽陰症嗽時顛下

利四肢沉重更清涼

咳者俗呼爲嗽肺爲邪所乘氣逆而不下也有肺寒而咳有停飲而咳有半表半裏而咳治各不同太陽病身熱咳嗽乾嘔微喘而利小青龍湯小青龍主太陽之表水也身涼咳嗽乾嘔微不利心下滿引脇痛十棗湯十棗主太陽之裏水也四肢重痛腹疼下利咳嗽或嘔真武湯真武湯主陰症之水氣也少陰病咳嗽四逆湯腹痛泄利下重四逆散加五五味乾姜少陽病往來寒熱胸脇痛而咳小柴胡去參加五味

乾姜麥冬知母貝母瓜蒌黃連湯加花粉去半夏咳

而嘔滿喘急大半夏湯半夏伏姜感冒風寒發熱而咳

參蘇飲去半夏木香加桑皮杏仁麻黃痰吐如膠者

金沸草散前胡麻黃赤芍藥復花半甘同荆芥仲景治嗽不分陰陽二

症俱用乾姜五味恐五味酸收易以閉住邪氣初起

不可使用也須先用干姜之辛溫肺金而散逆氣然

後用五味收肺氣保肺金而止嗽可也襍雜病咳嗽

分治戴元禮云咳者無痰而有聲肺氣傷而不清嗽

者無聲而有痰脾濕動而生痰因于風寒者鼻塞聲

重因于火者痰少面赤黃昏時嗽因于勞者盜汗出

兼痰多作寒熱有肺脹者喘滿氣急息重有痰嗽者

脾虛動便有痰聲痰出嗽止內經欬謂五臟六腑皆

令人欬非獨肺也岐伯曰肺欬之狀欬而喘息有音

甚則吐血心欬之狀欬而心痛喉中介介如梗狀甚

則咽腫喉痺肝欬之狀欬則兩脇下痛甚則不可以

轉轉則兩胠下滿脾欬之狀欬則右脇下痛陰七引

續修醫方類聚卷之十一
肩背甚則不可以動動則欬劇腎欬之狀欬則腰背
相引而痛甚則欬涎又曰脾欬不已則胃受之胃欬
之狀欬而嘔甚則長蟲出肝欬不已則胆受之胆欬
之狀欬嘔胆汁肺欬不已則大腸受之大腸欬狀欬
而遺矢心欬不已則小腸受之小腸欬狀欬而失氣
氣與欬俱失腎欬不已則膀胱受之膀胱狀欬而遺
溺久欬不已則三焦受之三焦欬狀欬而腹滿不欲
食欲此皆聚于胃闕于肺使人多唾涕而面浮腫氣

逆也

嘔吐第

大凡嘔吐屬陽明須要陽明氣下行若是上行爲氣

逆胃家由是不和平胃家有熱難停食胃冷無緣納水漿二症皆令人嘔吐嘔家聖藥是生姜

嘔者聲物俱有而旋吐出者無聲有物而頓出有聲
無物爲乾嘔也較之輕重則嘔甚于吐矣蓋表邪傳
裏裏氣上逆則爲嘔也有胃熱脈弦數口苦煩渴有
胃寒脈弦遲逆冷不食小便利有水氣先渴後嘔膈
間怔忡有膿血喉中腥氣奔逆上衝不從治之嘔膿

盡自愈四者不句不辯大抵邪在半表半裏則多嘔

及裏熱而嘔吐者俱用小柴胡湯若初病嘔逆嘔噦

清水嘔吐飲食者加減藿香正氣散藿香厚朴陳皮甘草江蘇葉白

木伏苓乾姜虛者人參養胃湯藿香半夏陳皮伏苓甘草砂仁白朮人參草菓厚朴

入姜汁發熱者芎蘇散以汗之有汗者正氣散去蘇

葉以和之太陽七明合病當自利若不利而嘔者葛

根半夏生姜湯二味加陳皮伏苓入姜汁温服太陽少陽合病而嘔

吐黃芩湯黃芩芍藥甘草大棗加半夏生姜繆仲淳曰胸中煩熱者

竹茹湯主之竹茹三錢麥冬五錢枇杷葉三片蘆根三兩若內無熱症者小便利口不渴陽

也明虛三陽發熱而嘔俱用小柴胡湯初起食穀欲吐

者屬陽明也吳茱萸湯得湯反劇者屬上焦也小柴

胡加葛根湯胸中有熱胃中有邪氣腹痛氣逆欲嘔

吐者黃連湯黃連甘草乾姜桂枝人參半夏加木香凡嘔吐不可下下

之則利利不止者死利止者生故曰嘔多雖有陽明

症不可攻攻之為逆為其逆氣尚未收斂為實也若

陽明發熱汗出心煩痞鞭不大便嘔吐者只得以大

柴胡和之太陽腹滿或痛水穀不下嘔吐脉沉遲者

理中湯人參乾姜白朮甘草少陰飲食入口即吐或

欲吐不吐手足寒脉沉細者四逆湯附子乾姜甘草

皮厥陰嘔吐涎沫逆冷脉沉微者茱萸四逆湯當歸桂枝

芍藥細辛通草甘草茱萸生若吐利煩渴者茱萸湯

姜加半夏乾姜陳皮厚朴凡胃熱煩渴頰痛口乾不合小柴

生薑陳皮乾姜胡加竹茹陳皮黃連山梔石羔乾葛主之胃寒脛冷

而浮尻骨痛藿香安胃湯藿半陳白朮合理中湯主

之胃實香砂平胃散香砂蒼朮去甘草加青皮枳寔

主之胃虛右關脉虛竹葉石膏湯人參甘草麥門冬

加生姜陳皮主之又胃有熱痰而嘔橘皮竹茹湯陳皮

竹茹人參茯苓白主之胃有寒飲乾嘔吐涎沫四逆

湯主之先嘔後渴此為欲解宜與水解先渴後嘔為

水停心下伏苓半夏湯伏苓半夏似嘔似噦似喘心

下憤憤無奈大橘皮湯陳皮人參汗下後閉脉遲緩

而吐為胃寒理中湯屢經汗下寒氣膈塞食入即吐

續傷寒補天石卷上

四三

乾姜黃連黃芩人參湯汗下後水藥不入口者四逆

湯加半夏伏苓湯痰後虛煩嘔吐竹葉石膏湯嘔家本渴

不渴者心下有支飲也或似喘不喘似嘔不嘔憤七無奈而宜竹葉石膏湯清嘔吐穀不

下者小半夏湯即半夏湯嘔而脚弱或疼乃是脚氣依

脚氣治之嘔而脉弱大便復利身有微熱見厥者難

治四逆加生姜主之凡治嘔吐各湯中俱加姜汁調

服隨用生姜嚼之蓋姜仍嘔家聖藥也嘔家最忌甘

甜之物以甘能發嘔故也嘔吐不止者用炒糯米生

姜汁煎服嘔吐自止若胃實嘔吐者不用此法總之
宜安胃久則補氣

乾嘔第

乾嘔者空嘔而無物也大抵熱在胃脘與穀氣并熱

氣上薰心下痞結則有此症太陽汗出乾嘔桂枝湯

主自汗也少陰下利乾嘔姜附湯主下利也厥陰吐

涎乾嘔者吳茱萸湯主涎沫也邪去嘔自止也又有

水氣二症太陽表不解心下有水氣身熱乾嘔微喘

自利小青龍湯不發熱反惡寒脇痛欬而利乾嘔者
寸棗湯凡膈上有寒飲乾嘔者四逆湯胃熱煩渴乾
嘔者小柴胡湯

噦第

咳逆皆因胃有寒此名惡候
古今傳櫛皮半夏並姜附不
瘥依方灸乳邊小柴胡溫三陽噦或用陳皮
與竹茹腹滿須看前後部猪苓承氣莫相拘

噦即乾嘔之甚者比乾嘔則聲濁惡而長皆有聲而
無物也蓋因胃氣本虛或下汗太過或恣飲冷水水
寒相博虛逆而成也又有熱氣擁鬱上下不得通而

噦者大抵箇近于噦箇者但胸間氣不得下通噦則
惡濁之聲達于外矣輕則和解疎利重則溫散噦則
腹滿當看何部不利前部不利者猪苓湯後部不利
者先用半夏生姜湯次用小承氣湯噦而口苦煩熱
者小柴胡加陳皮竹茹噦而手足逆冷者小橘皮湯
陳皮
生薑加姜附噦而煩者橘皮竹茹湯陳皮竹茹人參
伏苓白朮炙草
生薑噦而有鬱熱在胃者加味竹茹湯茹陳甘草
黃連葛噦不
止者乾姜橘皮湯陳皮乾姜
人參通草溫病飲冷作噦茅根葛

根湯 茅根葛根加 經曰病深者其聲噦凡病後嘔噦

或久病胃虛嘔噦足冷脉遲及噦家不尿皆難治也

噫第

噫氣者胸中氣不交通也寒氣客胃厥遂上行復出

于胃故噫氣也理中湯加丁香香附半夏陳皮温之

傷寒汗吐下後心下痞鞭噫氣不除者旋復代赭湯

加砂仁主之 旋復代赭參
姜半夏棗甘草

呃逆第

呃逆者俗謂呃忒是也有因胃熱失下而呃者有因

胃中痰飲而呃者有因服寒涼藥過多胃中虛冷而

呃胃熱失下便實脉有力者少與承氣湯便軟脉無

力者瀉心湯 半夏黃芩乾姜參
黃連甘草加茯苓 潮熱者小柴胡加橘

皮生姜湯胃冷者橘皮乾姜湯甚者丁香理中湯加

茱萸木香姜汁又有瘀血壅塞作呃者雖柿蒂亦不

應呃逆者氣從胃中起至胸膈間而為呃忒也若其

氣自臍下直衝于胸膈間呃忒者此陰症呃忒也其

病不在胃因下虛內有伏陰或誤服寒藥遂至冷極
 于下迫其相火上衝卒集于胸中而為呃忒也病人
 煩躁自覺甚熱他人以手按其肌膚則冷此為無根
 失守之火散亂為熱非實熱也乃水極似火陰症似
 陽也若不識此悞用涼藥下咽則死當用羌活附子
 湯羌活附子茴香丁香
乾姜磨木香溫服之加官桂人參木香陳半夏砂
 仁急溫其下真陽回陰火降呃逆乃止也陰症及胃
 寒呃逆不止者外用乳香硫黃散乳香硫黃艾葉各
二錢為細末用好

酒一鍾煎數沸使病人鼻嗅之內再為生姜擦胸前最效內用丁香柿蒂散服之
 則止丁香柿蒂茴香乾姜
良姜陳皮姜湯下再灸期門氣海關元此良
 法也但手足溫煖復者為有生矣經曰傷寒呃逆上
 氣脈散者死蓋欬逆為肺病散為心脈心火刑于肺
 金謂之死陰不過三日而死雜病欬逆有痰有氣虛
 有陰火痰用半夏陳皮氣虛用人參黃芪陰火用黃
 連滑石黃柏知母經曰諸逆衝上皆屬于火古方言
 胃弱而不及火以丁香柿蒂竹茹陳皮治之未審孰

為降火孰為補虛人之陰氣依胃為養胃土傷損則木侮之陰為火所乘不得內守木挾相火故直衝清道而上言胃弱者陰弱也虛之甚也宜視有餘不足治之有餘并痰者人參蘆吐之不足者參朮補之按

參手太陰補陽中之陰芦則反是大瀉陰中之陽故用人參芦煎飲吐之

鼻衄第

鼻衄者經絡熱盛迫血妄行于鼻而為衄也是雖熱盛邪猶在經然亦不可發汗仲景以桂枝麻黃治衄

非治衄也乃欲散經中邪氣耳其衄血固為欲解若衄不止而頭面汗出其身無汗及汗不至足者為難治太陽症衄血及服桂枝湯致衄為欲解犀角地黃湯無汗而衄脉浮緊再與麻黃湯有汗而衄脉浮緩再與桂枝湯此二者蓋為脉浮而設也若衄而成流者不須服藥少刻自解若点滴不成流者必用藥無疑經曰奪血者無汗奪汗者無血俗人以血為紅汗厥有旨哉衄家不可太汗汗之則額上陷脉緊急直

視不能眴眴合目也不得眠芍藥地黃湯陽明嗽水不欲

咽犀角地黃湯黃芩芍藥湯芍藥丹皮而煩渴欲

水水入即吐先服五苓散次服竹葉石膏湯少陰但

厥無汗強發之必動經其血或從耳目口鼻中名下

厥上竭為難治當歸四逆湯歸芍細甘草炙太谿三

陰陽交湧泉一法用黑錫丹黑錫硫黃各二兩沉香

五錢茴香破故紙陽起石肉豆蔻各一兩又用新鐵

餅如常法黑錫硫黃于地上出火毒候冷研極細餘

藥並未同研以黑光為度酒麩糊下若衄不止茅花湯

為丸陰乾鹽湯下婦人艾棗湯下

外用水紙搭在鼻冲隨用炒黑山梔火煨龍骨牡蠣

京墨百草霜共為細末加血餘灰各等分用茅花水

或縮釘水蘸藥鼻中即止 凡病人發煩目瞋劇者

必衄尺脈浮目睛昏黃者必衄口乾鼻燥者必衄無

汗欲食者必衄嗽水不欲咽者必衄並用犀角地黃

湯犀角生地黃芩湯芍藥黃芩生地芍連湯生地黃

山梔梔梗甘草大棗柴胡傷寒表症衄血將解不

可用凉水及寒藥止住若止住者必成蓄血血結胸

難治矣。衄而解者邪之輕也。衄不解者邪之重也。衄後復大熱，脈躁急者死也。

吐血第

皆因邪熱中三陽，當汗醫家失料，量熱毒入深，留五臟故

成吐血可驚惶

吐血者，諸陽受熱，其邪在表，當汗不汗，致使熱毒入臟，積蓄于內，故成吐血。凡見眼閉目紅，神昏語短，眩暈健忘，煩躁，漱水驚狂，讖語皆冷，足寒，四肢厥逆，胸腹急滿，大便黑，小便數，皆瘀血症也。症雖多端，不必

悉其但見一二便作主張，初得此症急宜治之。至于

遷延日久時而腹痛者，為難治也。如服桂枝湯吐者，

其後必吐膿血，宜服犀角地黃湯。犀角生地黃連阿

膠湯。膠芍苓連如大下後寸脈沉遲，尺脈不至，咽喉

不利，唾膿血者，宜服麻黃升麻湯。麻升歸知芍薑焦木姜桂芍天伏草

陽毒升麻湯。犀苓升麻陰毒甘草湯。甘升當鱉桂雄黃加半

夏生姜主之。血熱者黃連阿膠湯。地榆散。地榆犀角茜根芍連

梔子柏皮湯。相連苓入阿三黃瀉心湯。大黃黃連脈浮

熱盛及灸之必咽燥吐血救逆湯咽喉閉塞不可發

汗發汗則吐血氣欲絕厥冷勦臥當歸四逆湯歸芍細甘

草通草傷寒血症皆實邪也若雜病血症皆因色慾

過度勞傷心腎而得之與傷寒吐衄大不同矣是故

氣虛不能抵血者獨參湯補之如毒熱加青蒿鱉甲

石羔赤白二苓生熟地天氣血兩虛者保真湯補之

滑石甘木白赤芍歸如盜汗加浮麥麻黃根炒牡蠣陰虛

火動者地黃丸補之六味地黃山藥黃天麥一冬治

肺腎二經之吐衄也阿膠醫金黃芩茅花灰治肺經

之吐衄也柏葉石蓮柏子仁棕櫚灰治心經之吐衄

也黃柏知母玄參血餘灰地黃治腎經之吐衄也青

皮黃連芩蘇灰治肝經之吐衄也白芍白朮黃連乾

葛治脾經之吐衄也至于飲食倍傷痰而成血者平

胃散蒼朮厚朴加山查神曲黃連消之清之酒傷胃

口吐衄者葛花解醒湯解之葛伏解醒白蔻仁木香

砂仁末乾扁濕毒并風邪下陷者胃風湯人參伏苓

桂白朮平胃散加防風羌活主之結陰血與陰盛格
芍藥同陽吐衄血脈候按之不鼓者乾姜附子溫之跌撲損
傷吐衄者蘇木桃仁紅花大黃各家引經藥逐之先
痰漱後吐血者二陳湯清之熱毒下血者胡黃連槐
花涼之九色鮮而新者急止之使婦經色不鮮而舊
者勿止之任其自出凡血從胃中來者可治從肺
臟來者難治如一咯一塊或痰中見血如瑪瑙而成
塊皆胃口來也猶可治也若痰中見血或一點之小

或一絲之細者乃肺臟來也肺本多氣少血今為虛
火所逼而出之則肺枯而無以領一身之氣矣實難
治之也又胃火上蒸血從口出肺火上騰血從鼻出
凡失血諸症脈靜身涼者生脈躁急身熱者死凡
衄血咳血出于肺嗽血痰血出于脾嘔血吐血出于
胃咯血吐血出于腎須用芎附飲川芎三兩香附四兩二味為末每服
二錢茶湯調下按血症須要涼血散火此藥既非涼血又非
散火何也蓋血病用血藥不效以其血之所藏無以

養也夫心主血肝藏血此方用川芎所以和血通肝而使血歸于肝胆也其用香附所以開鬱而使火散經絡也血歸火散而愈矣

項強第

項背強者太陽表邪也無汗葛根湯桂枝葛芎姜棗甘有汗

桂枝加葛根湯結胸項強有誤下之症寒熱項強則成瘧治見本條臨病宜審

瘧病第

瘧來瘧病屬膀胱身噤如瘧反張此是傷風感寒溫

有汗為柔無汗剛

瘧者強直之義凡身熱足寒頸項強急惡寒時頭熱面赤目赤頭搖口噤背反張手足拳搯是也起于太陽先傷于風重感于寒發熱無汗惡寒為剛瘧先傷于風重感于濕發熱有汗不惡寒為柔瘧又發汗太過亦成瘧大發濕家汗瘡家汗俱成瘧新產血虛汗出傷風亦成瘧要知開目仰面口中燥渴脈浮緊屬陽病易治葛根湯麻黃葛根湯主之或人參敗毒散

羌獨活 桔柴前胡 加葛根 麻黃 口噤 咬牙 滿脚 牽

川芎 人參 代苓 和 急脈 實有力者 大承氣湯 枳實 芒硝 閉目 合面 口中

和脈 沉細 屬陰 難治 桂枝 加葛根 湯 又 桂枝 瓜 薑 葛

根 湯 若 厥 冷 脈 沉 細 附子 湯 參附 芍 木 桂 加 桂 枝 二 瘧 通

用 小續 命 湯 甘 草 麻 黃 防 風 芍 藥 白 朮 桂 枝 人 參 川 芎 防 已 附 子 黃 芩 柔 瘧 為 陰

去 麻 黃 剛 瘧 為 陽 去 附 子 有 寒 去 黃 芩 防 已 知 聖 散

羌 活 防 風 川 芎 白 芷 柴 胡 芍 藥 甘 草 當 歸 烏 藥 半 夏 黃 芩 人 參 姜 汁 竹 瀝 溫 服 有 汗 是 柔 瘧

加 白 朮 桂 枝 無 是 剛 汁 加 麻 黃 蒼 朮 口 噤 咬 牙 便

實加大黃血虛發瘧入寶湯加羌活防風黃芪桂枝

若脈沉弦而遲或帶緊或散指下皆惡候也

背惡寒第

背為陽腹為陰背惡寒者陽氣不足也陽氣不足者

陰氣盛陰氣盛者口中和附子湯陽氣四陷者口燥

渴白虎湯 知 粳 膏 廿 草 二者宜審而治之陽明背寒而唇

口燥渴白虎湯

續傷寒補天石卷上終

續傷寒補天石卷上

